



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

20 b Urbicius Bischoff zũ Mentz.

urn:nbn:de:hbz:466:1-41449

Diacons / Lambertum in der Jugend erndhret / vnd inn
heyliger Schriff vnderwise.

Item der Geburtstag der Gesellen S. Landoal-
di / die bey ihm ehrwürdiglich rühen zu Gene / inn S.
Bauonis Kloster / wie darvon weyter am 13. Brach-
monats.

b xiiij. Calendas Aprilis.

Der XX. Tag im Merzen.

A N Asia / ist heut der Geburtstag des heyligen
Archoppi / der ein Mitgesell S. Pauli des A-
postels / von welchem er den Coloffern zupredi-
gen gelassen / verschid nach verrichtung seines Ampts
im seiden / oder wie die andern sagen / soll er ein Blüt-
zeuge Christi gewesen sein / S. Paulus gedendet sein/
Coloff. 4.

Item in der Statt Amisio der heyligen Frauen
vnd Marterinnen Alerandrie / Claudie / Euphrasie /
Martrone / Juliane / Euphemie / vnd Theodosie / Wel-
che siben Weiber / zur zeit der grewlichen verfolgung /
vnder dem Kayser Maximiano ungefragt / sich frey vnd
offentlich für Christen bekenneten. Vnd darumb von
dem Gottlosen Landvogt / streng angesprochen / mit
Rüthen geschlagen / vnd nach andern gelidinen Mar-
tern / in das Feuer geworffen / ihre Seelen GOTT dem
Heren auffgeben.

Item in Engeland / die begräbnus des heyligen
Bischoffs Euberti / der auß einem Einsidel zum Vor-
steher der Lindisfarnensischen Kirchen gemacht wor-
den / führet von jugendt an bis ins alter ein leben voller
wunder-

R

wunder-

Martius

Anno Dñi 700. Wunderwerck. Sein Leib ward unzerstört vnd frisch funden/ da er schon eylff jar begraben gewesen.

Item in Syria der H. Marterer Pauli/ Cyrilli/ Eugenij/ sampt anderer vier.

Anno Dñi 720. Item in dem Kloster Blandinio des H. Beichtigers Vulfranni/ eines Edlen Ritters Sun/ an des Königs Dagoberti Hof/ da er Senonensischer Erbschhoff ward/ zohe er auß Götlicher ermanung in Griechland/ prediget daselbst das Euangelium Christi fünff Jar lang/ vbergab darnach das Bisthumb/ vnd ward ein Münch in dem Kloster Fontanella/ daselbst er inn grosser heyligkeit/ den lauff seines lebens endet.

Item des heyligen Beichtigers Joachim/ der ein Vatter war/ M^{xxx} S der seligen Junckfrawen vnd Mütter Gottes.

Item zu Metz/ des heyligen Bischoffs vnd Beichtigers Debitij.

Item in der Statt Senon/ der heyligen Bischoff vnd Beichtiger Guericci vnd Ebonis.

Item des heyligen Priesters vnd Beichtigers Heriberti. Als der obgemelt H. Bischoff Eutbertus ihm saget von seinem abschaid auß diser Welt/ bat er ihn/ er solt ihm vom Herrn erlangen/ das er mit ihm möchte gehen zu den ewigen freuden/ so auch geschehen.

e xij. Calendas Aprilis.

Der XXI. Tag im Mergen.

In der Burgt Casino / ist heut der Geburtstag des heyligen/ weytberühmten vnd treflichen Abes Benedicti / vonn herrlichen Eltern auß Nursia geborn/